

大般若波羅蜜多經卷第二

天二

唐三藏法師玄奘奉詔譯

初分緣起品第一之二

爾時北方盡殞伽沙等世界最後世界名曰
最勝佛號勝帝如來應正等覺明行圓滿善
逝世間解無上丈夫調御士天人師佛薄伽
梵時現在彼安隱住持為諸菩薩摩訶薩眾
說大般若波羅蜜多彼有菩薩名曰勝授見
此大光大地變動及佛身相心懷猶豫前詣
佛所頂禮雙足白言世尊何因何緣而有此
瑞時勝帝佛告勝授菩薩摩訶薩言善男子
從此南方盡殞伽沙等世界最後世界名曰
堪忍佛號釋迦牟尼如來應正等覺明行圓
滿善逝世間解無上丈夫調御士天人師佛
薄伽梵今現在彼安隱住持為菩薩摩訶

薩眾說大般若波羅蜜多彼佛神力故現斯
瑞勝授聞已歡喜踊躍重白佛言世尊我今
請往堪忍世界觀禮供養釋迦牟尼如來及
諸菩薩摩訶薩眾得無礙解陀羅尼門三摩
地門神通自在住最後身紹尊位者唯願慈
悲哀愍垂許時勝帝佛告勝授菩薩言善哉
善哉今正是時隨汝意往即以千莖金色蓮
花其花千葉眾寶莊嚴授勝授菩薩而誨之
言汝持此花至釋迦牟尼佛所如我詞曰勝
帝如來致問無量少病少惱起居輕利氣力
調和安樂住不世事可忍不眾生意度不持
此蓮花以寄世尊而為佛事汝至彼界應住
正知觀彼佛土及諸大眾勿懷輕慢而自毀
傷所以者何彼諸菩薩威德難及悲願熏心
以大因緣而生彼土時勝授菩薩受花奉勅

與無量百千俱胝那庾多出家在家菩薩摩訶薩及無數百千童男童女頂禮佛足右繞奉辭各持無量種種花香寶幢幡蓋衣服寶飾及餘供具發引而來所經北方苑伽沙等諸佛世界一一佛所供養恭敬尊重讚歎無空過者至此佛所頂禮雙足繞百千而却住一面勝授菩薩前白佛言世尊從此北方盡苑伽沙等世界最後世界名曰最勝佛號勝帝如來應正等覺明行圓滿善逝世間解無上丈夫調御士天人師佛薄伽梵致問世尊無量少病少惱起居輕利氣力調和安樂住不世事可忍不衆生易度不持此千莖金色蓮花以寄世尊而為佛事時釋迦牟尼佛受此蓮花還散北方苑伽沙等諸佛世界佛神力故令此蓮花徧諸佛土諸花臺中各有化

佛結跏趺坐為諸菩薩說大般若波羅蜜多相應之法有情聞者必得無上正等菩提是時勝授及諸眷屬見此事已歡喜踊躍歎未曾有各隨善根供具多少供養恭敬尊重讚歎佛菩薩已退坐一面如是最後世界已前

所有北方一一佛土各有如來現為大衆宣說妙法是諸佛所亦各有一上首菩薩見此大光大地變動及佛身相前詣佛所白言世尊何因何緣而有此瑞時彼佛各各報言於此南方有堪忍世界佛號釋迦牟尼將為菩薩說大般若波羅蜜多彼佛神力故現斯瑞上首菩薩聞已歡喜各各請往堪忍世界觀禮供養佛及菩薩彼諸如來讚善聽往各以金色千寶蓮花而告之言汝可持此至彼佛所具陳我詞致問無量少病少惱起居輕

利氣力調和安樂住不世事可忍不衆生易
度不持此蓮花以寄世尊而爲佛事汝至彼
界應住正知觀彼佛土及諸菩薩勿懷輕慢
而自毀傷所以者何彼諸菩薩威德難及悲
願熏心以大因緣而生彼土一一上首受花
奉勅各與無量無數菩薩童男童女辭佛持
供發引而來所經佛土一一供養佛及菩薩
無空過者到此佛所頂禮雙足繞百千而奉
花陳事佛受花已還散北方佛神力故徧諸
佛土諸花臺中各有化佛爲諸菩薩說大般
若波羅蜜多令諸聞者必獲無上正等菩提
上首菩薩及諸眷屬見已歡喜歎未曾有各
隨善根供具多少供養恭敬尊重讚歎佛菩
薩已退坐一面爾時東方盡殞伽沙等世
界最後世界名定莊嚴佛號定象勝德如來

應正等覺明行圓滿善逝世間解無上丈夫
調御士天人師佛薄伽梵時現在彼安隱住
持爲諸菩薩摩訶薩衆說大般若波羅蜜多
彼有菩薩名離塵勇猛見此大光大地變動
及佛身相心懷猶豫前詣佛所頂禮雙足白
言世尊何因何緣而有此瑞時定象勝德佛
告離塵勇猛菩薩摩訶薩言善男子從此西
南方盡殞伽沙等世界最後世界名曰堪忍
佛號釋迦牟尼如來應正等覺明行圓滿善
逝世間解無上丈夫調御士天人師佛薄伽
梵今現在彼安隱住持將爲菩薩摩訶薩衆
說大般若波羅蜜多彼佛神力故現斯瑞時
離塵勇猛聞佛所說歡喜踊躍重白佛言世
尊我今請往堪忍世界觀禮供養釋迦牟尼
如來及諸菩薩摩訶薩衆得無礙解陀羅尼

門三摩地門神通自在住最後身紹尊位者
唯願慈悲哀愍垂許時定象勝德佛告離塵
勇猛菩薩言善哉善哉今正是時隨汝意往
即以千莖金色蓮花其花千葉衆寶莊嚴授
離塵勇猛菩薩而誨之言汝持此花至釋迦
牟尼佛所如我詞曰定象勝德如來致問無
量少病少惱起居輕利氣力調和安樂住不
世事可忍不衆生易度不持此蓮花以寄世
尊而爲佛事汝至彼界應住正知觀彼佛土
及諸大衆勿懷輕慢而自毀傷所以者何彼
諸菩薩威德難及悲願熏心以大因緣而生
彼土時離塵勇猛菩薩受花奉勅與無量百
千俱胝那庾多出家在家菩薩摩訶薩及無
數百千童男童女頂禮佛足右繞奉辭各持
無量種種花香寶幢幡蓋衣服寶飾及餘供

具發引而來所經東北方殑伽沙等諸佛世
界一一佛所供養恭敬尊重讚歎無空過者
至此佛所頂禮雙足繞百千匝却住一面離
塵勇猛菩薩前白佛言世尊從此東北方盡
殑伽沙等世界最後世界名定莊嚴佛號定
象勝德如來應正等覺明行圓滿善逝世間
解無上丈夫調御士天人師佛薄伽梵致問
世尊無量少病少惱起居輕利氣力調和安
樂住不世事可忍不衆生易度不持此千莖
金色蓮花以寄世尊而爲佛事時釋迦牟尼
佛受此蓮花還散東北方殑伽沙等諸佛世
界佛神力故令此蓮花徧諸佛土諸花臺中
各有化佛結跏趺坐爲諸菩薩說大般若波
羅蜜多相應之法有情聞者必得無上正等
菩提時離塵勇猛及諸眷屬見此事已歡喜

踊躍歎未曾有各隨善根供具多少供養恭敬尊重讚歎佛菩薩已退坐一面如是最後世界已前諸東北方一一佛土各有如來現爲大衆宣說妙法是諸佛所亦各有一上首菩薩見此大光大地變動及佛身相前詣佛所白言世尊何因何緣而有此瑞時彼彼佛各各報言於此西南方有堪忍世界佛號釋迦牟尼將爲菩薩說大般若波羅蜜多彼佛神力故現斯瑞上首菩薩聞已歡喜各各請往堪忍世界觀禮供養佛及菩薩彼諸如來讚善聽往各以金色千寶蓮花而告之言汝可持此至彼佛所具陳我詞致問無量少病少惱起居輕利氣力調和安樂住不世事可忍不衆生易度不持此蓮花以寄世尊而爲佛事汝至彼界應住正知觀彼佛土及諸菩

薩勿懷輕慢而自毀傷所以者何彼諸菩薩威德難及悲願熏心以大因緣而生彼土一一上首受花奉勅各與無量無數菩薩童男童女辭佛持供發引而來所經佛土一一供養佛及菩薩無空過者到此佛所頂禮雙足繞百千匝奉花陳事佛受花已還散東北方佛神力故徧諸佛土諸花臺中各有化佛爲諸菩薩說大般若波羅蜜多令諸聞者必獲無上正等菩提上首菩薩及諸眷屬見已歡喜歎未曾有各隨善根供具多少供養恭敬尊重讚歎佛菩薩已退坐一面爾時東南方盡殫伽沙等世界最後世界名妙覺莊嚴甚可愛樂佛號蓮花勝德如來應正等覺明行圓滿善逝世間解無上丈夫調御士天人師佛薄伽梵時現在彼安隱住持爲諸菩薩摩

訶薩衆說大般若波羅蜜多彼有菩薩名蓮
花手見此大光大地變動及佛身相心懷猶
豫前詣佛所頂禮雙足白言世尊何因何緣
而有此瑞時蓮花勝德佛告蓮花手菩薩摩
訶薩言善男子從此西北方盡殞伽沙等世
界最後世界名曰堪忍佛號釋迦牟尼如來
應正等覺明行圓滿善逝世間解無上丈夫
調御士天人師佛薄伽梵今現在彼安隱住
持將為菩薩摩訶薩衆說大般若波羅蜜多
彼佛神力故現斯瑞時蓮花手聞佛所說歡
喜踊躍重白佛言世尊我今請往堪忍世界
觀禮供養釋迦牟尼如來及諸菩薩摩訶薩
衆得無礙解陀羅尼門三摩地門神通自在
住最後身紹尊位者唯願慈悲哀愍垂許時
蓮花勝德佛告蓮花手菩薩言善哉善哉今

正是時隨汝意往即以千莖金色蓮花其花
千葉衆寶莊嚴授蓮花手菩薩而誨之言汝
持此花至釋迦牟尼佛所如我詞曰蓮花勝
德如來致問無量少病少惱起居輕利氣力
調和安樂住不世事可忍不衆生易度不持
此蓮花以寄世尊而為佛事汝至彼界應住
正知觀彼佛土及諸大衆勿懷輕慢而自毀
傷所以者何彼諸菩薩威德難及悲願熏心
以大因緣而生彼土時蓮花手菩薩受花奉
勅與無量百千俱胝那庾多出家在家菩薩
摩訶薩及無數百千童男童女頂禮佛足右
繞奉辭各持無量種種花香寶幢幡蓋衣服
寶飾及餘供具發引而來所經東南南方殞伽
沙等諸佛世界一一佛所供養恭敬尊重讚
歎無空過者至此佛所頂禮雙足繞百千市

却住一面蓮花手菩薩前白佛言世尊從此
東南方盡苑伽沙等世界最後世界名妙覺
莊嚴甚可愛樂佛號蓮花勝德如來應正等
覺明行圓滿善逝世間解無上丈夫調御士
天人師佛薄伽梵致問世尊無量少病少惱

天二

八

起居輕利氣力調和安樂住不世事可忍不
衆生易度不持此千莖金色蓮花以寄世尊
而爲佛事釋迦牟尼佛受此蓮花還散東南
方苑伽沙等諸佛世界佛神力故今此蓮花
徧諸佛土諸花臺中各有化佛結跏趺坐爲
諸菩薩說大般若波羅蜜多相應之法有情
聞者必得無上正等菩提時蓮花手及諸眷
屬見此事已歡喜踊躍歎未曾有各隨善根
供具多少供養恭敬尊重讚歎佛菩薩已却
坐一面如是最後世界已前諸東南方一一

佛土各有如來現爲大衆宣說妙法是諸佛
所亦各有一上首菩薩見此大光大地變動
及佛身相前詣佛所白言世尊何因何緣而
有此瑞時彼彼佛各各報言於此西北方有
堪忍世界佛號釋迦牟尼將爲菩薩說大般

若波羅蜜多彼佛神力故現斯瑞上首菩薩
聞已歡喜各各請往堪忍世界觀禮供養佛
及菩薩彼諸如來讚善聽往各以金色千寶
蓮花而告之言汝可持此至彼佛所具陳我
詞致問無量少病少惱起居輕利氣力調和

天二

九

安樂住不世事可忍不衆生易度不持此蓮
花以寄世尊而爲佛事汝至彼界應住正知
觀彼佛土及諸菩薩勿懷輕慢而自毀傷所
以者何彼諸菩薩威德難及悲願熏心以大
因緣而生彼土一一上首受花奉勅各與無

量無數菩薩童男童女辭佛持供發引而來
所經佛土一一供養佛及菩薩無空過者到
此佛所頂禮雙足繞百千匝奉花陳事佛受
花已還散東南方佛神力故徧諸佛土諸花
臺中各有化佛為諸菩薩說大般若波羅蜜
多令諸聞者必獲無上正等菩提上首菩薩
及諸眷屬見已歡喜歎未曾有各隨善根供
具多少供養恭敬尊重讚歎佛菩薩已退坐
一面爾時西南方盡殞伽沙等世界最後世
界名離塵聚佛號日輪徧照勝德如來應正
等覺明行圓滿善逝世間解無上丈夫調御
士天人師佛薄伽梵時現在彼安隱住持為
諸菩薩摩訶薩衆說大般若波羅蜜多彼有
菩薩名日光明見此大光大地變動及佛身
相心懷猶豫前詣佛所頂禮雙足白言世尊

何因何緣而有此瑞時日輪徧照勝德佛告
日光明菩薩摩訶薩言善男子從此東北方
盡殞伽沙等世界最後世界名曰堪忍佛號
釋迦牟尼如來應正等覺明行圓滿善逝世
間解無上丈夫調御士天人師佛薄伽梵今
現在彼安隱住持將為菩薩摩訶薩衆說大
般若波羅蜜多彼佛神力故現斯瑞時日光
明聞佛所說歡喜踊躍重白佛言世尊我今
請往堪忍世界觀禮供養釋迦牟尼如來及
諸菩薩摩訶薩衆得無礙解陀羅尼門三摩
地門神通自在住最後身紹尊位者唯願慈
悲哀愍垂許時日輪徧照勝德佛告日光明
菩薩言善哉善哉今正是時隨汝意往即以
千莖金色蓮花其花千葉衆寶莊嚴授日光
明菩薩而誨之言汝持此花至釋迦牟尼佛

所如我詞曰日輪徧照勝德如來致問無量
少病少惱起居輕利氣力調和安樂住不世
事可忍不衆生易度不持此蓮花以寄世尊
而為佛事汝至彼界應住正知觀彼佛土及
諸大衆勿懷輕慢而自毀傷所以者何彼諸
菩薩威德難及悲願熏心以大因緣而生彼
土時日光明菩薩受花奉勅與無量百千俱
胝那庾多出家在家菩薩摩訶薩及無數百
千童男童女頂禮佛足右繞奉辭各持無量
種種花香寶幢幡蓋衣服寶飾及餘供具發
引而來所經西南方苑伽沙等諸佛世界一
一佛所供養恭敬尊重讚歎無空過者至此
佛所頂禮雙足繞百千匝却住一面日光明
菩薩前白佛言世尊從此西南方盡苑伽沙
等世界最後世界名離塵聚佛號日輪徧照

勝德如來應正等覺明行圓滿善逝世間解
無上丈夫調御士天人師佛薄伽梵致問世
尊無量少病少惱起居輕利氣力調和安樂
住不世事可忍不衆生易度不持此千莖金
色蓮花以寄世尊而為佛事時釋迦牟尼佛
受此蓮花還散西南方苑伽沙等諸佛世界
佛神力故令此蓮花徧諸佛土諸花臺中各
有化佛結跏趺坐為諸菩薩說大般若波羅
蜜多相應之法有情聞者必得無上正等菩
提時日光明及諸眷屬見此事已歡喜踊躍
歎未曾有各隨善根供具多少供養恭敬尊
重讚歎佛菩薩已退坐一面如是最後世界
已前諸西南方一一佛土各有如來現為大
衆宣說妙法是諸佛所亦各有一上首菩薩
見此大光大地變動及佛身相前詣佛所白

言世尊何因何緣而有此瑞時彼彼佛各各報言於此東北方有堪忍世界佛號釋迦牟尼將爲菩薩說大般若波羅蜜多彼佛神力故現斯瑞上首菩薩聞已歡喜各各請往堪忍世界觀禮供養佛及菩薩彼諸如來讚善聽往各以金色千寶蓮花而告之言汝可持此至彼佛所具陳我詞致問無量少病少惱起居輕利氣力調和安樂住不世事可忍不衆生易度不持此蓮花以寄世尊而爲佛事汝至彼界應住正知觀彼佛土及諸菩薩勿懷輕慢而自毀傷所以者何彼諸菩薩威德難及悲願熏心以大因緣而生彼土一一上首受花奉勅各與無量無數菩薩童男童女辭佛持供發引而來所經佛土一一供養佛及菩薩無空過者到此佛所頂禮雙足繞百

千而奉花陳事佛受花已還散西南方佛神力故徧諸佛土諸花臺中各有化佛爲諸菩薩說大般若波羅蜜多令諸聞者必獲無上正等菩提上首菩薩及諸眷屬見已歡喜歡未曾有各隨善根供具多少供養恭敬尊重讚歎佛菩薩已退坐一面爾時西北方盡殞伽沙等世界最後世界名真自在佛號一寶蓋勝如來應正等覺明行圓滿善逝世間解無上丈夫調御士天人師佛薄伽梵時現在彼安隱住持爲諸菩薩摩訶薩衆說大般若波羅蜜多彼有菩薩名曰寶勝見此大光大地變動及佛身相心懷猶豫前詣佛所頂禮雙足白言世尊何因何緣而有此瑞時一寶蓋勝佛告寶勝菩薩摩訶薩言善男子從此東南方盡殞伽沙等世界最後世界名曰堪

忍佛號釋迦牟尼如來應正等覺明行圓滿
善逝世間解無上丈夫調御士天人師佛薄
伽梵今現在彼安隱住持將為菩薩摩訶薩
衆說大般若波羅蜜多彼佛神力故現斯瑞
寶勝聞已歡喜踊躍重白佛言世尊我今請

往堪忍世界觀禮供養釋迦牟尼如來及諸

天二

十三

菩薩摩訶薩衆得無礙解陀羅尼門三摩地
門神通自在住最後身紹尊位者唯願慈悲
哀愍垂許時一寶蓋勝佛告寶勝菩薩言善
哉善哉今正是時隨汝意往即以千葉金色
蓮花其花千葉衆寶莊嚴授寶勝菩薩而誨
之言汝持此花至釋迦牟尼佛所如我詞曰
一寶蓋勝如來致問無量少病少惱起居輕
利氣力調和安樂住不世事可忍不衆生易
度不持此蓮花以寄世尊而為佛事汝至彼

界應住正知觀彼佛土及諸大衆勿懷輕慢
而自毀傷所以者何彼諸菩薩威德難及悲
願熏心以大因緣而生彼土時寶勝菩薩受
花奉勅與無量百千俱胝那庾多出家在家
菩薩摩訶薩及無數百千童男童女頂禮佛
足右繞奉辭各持無量種種花香寶幢幡蓋
衣服寶飾及餘供具發引而來所經西北方
殑伽沙等諸佛世界一一佛所供養恭敬尊
重讚歎無空過者至此佛所頂禮雙足繞百
千匝却住一面寶勝菩薩前白佛言世尊從
此西北方盡殑伽沙等世界最後世界名真
自在佛號一寶蓋勝如來應正等覺明行圓
滿善逝世間解無上丈夫調御士天人師佛
薄伽梵致問世尊無量少病少惱起居輕利
氣力調和安樂住不世事可忍不衆生易度

不持此千葉金色蓮花以寄世尊而為佛事
時釋迦牟尼佛受此蓮花還散西北方殑伽
沙等諸佛世界佛神力故令此蓮花徧諸佛
土諸花臺中各有化佛結跏趺坐為諸菩薩
說大般若波羅蜜多相應之法有情聞者必
得無上正等菩提是時寶勝及諸眷屬見此
事已歡喜踊躍歎未曾有各隨善根供具多
少供養恭敬尊重讚歎佛菩薩已退坐一面
如是最後世界已前諸西北方一一佛土各
有如來現為大衆宣說妙法是諸佛所亦各
有一上首菩薩見此大光大地變動及佛身
相前詣佛所自言世尊何因何緣而有此瑞
時彼彼佛各各報言於此東南方有堪忍世
界佛號釋迦牟尼將為菩薩說大般若波羅
蜜多彼佛神力故現斯瑞上首菩薩聞已歡

天二

十四

喜各各請往堪忍世界觀禮供養佛及菩薩
彼諸如來讚善聽往各以金色千葉蓮花而
告之言汝可持此至彼佛所具陳我詞致問
無量少病少惱起居輕利氣力調和安樂住
不世事可忍不衆生易度不持此蓮花以寄
世尊而為佛事汝至彼界應住正知觀彼佛
土及諸菩薩勿懷輕慢而自毀傷所以者何
彼諸菩薩威德難及悲願熏心以大因緣而
生彼土一一上首受花奉勅各與無量無數
菩薩童男童女辭佛持供發引而來所經佛
土一一供養佛及菩薩無空過者到此佛所
頂禮雙足繞百千匝奉花陳事佛受花已還
散西北方佛神力故徧諸佛土諸花臺中各
有化佛為諸菩薩說大般若波羅蜜多令諸
聞者必獲無上正等菩提上首菩薩及諸眷

天二

十五

屬見已歡喜歎未曾有各隨善根供具多少
供養恭敬尊重讚歎佛菩薩已退坐一面爾
時下方盡殞伽沙等世界最後世界名曰蓮
花佛號蓮花德如來應正等覺明行圓滿善
逝世間解無上丈夫調御士天人師佛薄伽
梵時現在彼安隱住持為諸菩薩摩訶薩衆
說大般若波羅蜜多彼有菩薩名蓮花勝見
此大光大地變動及佛身相心懷猶豫前詣
佛所頂禮雙足白言世尊何因何緣而有此
瑞時蓮花德佛告蓮花勝菩薩摩訶薩言善
男子從此上方盡殞伽沙等世界最後世界
名曰堪忍佛號釋迦牟尼如來應正等覺明
行圓滿善逝世間解無上丈夫調御士天人
師佛薄伽梵今現在彼安隱住持將為菩薩
摩訶薩衆說大般若波羅蜜多彼佛神力故

現斯瑞時蓮花勝聞佛所說歡喜踊躍重白
佛言世尊我今請往堪忍世界觀禮供養釋
迦牟尼如來及諸菩薩摩訶薩衆得無礙解
陀羅尼門三摩地門神通自在住最後身紹
尊位者唯願慈悲哀愍垂許時蓮花德佛告
蓮花勝菩薩言善哉善哉今正是時隨汝意
往即以千莖金色蓮花其花千葉衆寶莊嚴
授蓮花勝菩薩而誨之言汝持此花至釋迦
牟尼佛所如我詞曰蓮花德如來致問無量
少病少惱起居輕利氣力調和安樂住不世
事可忍不衆生易度不持此蓮花以寄世尊
而為佛事汝至彼界應住正知觀彼佛土及
諸大衆勿懷輕慢而自毀傷所以者何彼諸
菩薩威德難及悲願熏心以大因緣而生彼
上時蓮花勝菩薩受花奉勅與無量百千俱

祇那度多出家在家菩薩摩訶薩及無數百
千童男童女頂禮佛足右繞奉辭各持無量
種種花香寶幢幡蓋衣服寶飾及餘供具發
引而來所經下方苑伽沙等諸佛世界一一
佛所供養恭敬尊重讚歎無空過者至此佛
所頂禮雙足繞百千匝却住一面蓮花勝菩
薩前白佛言世尊從此下方盡苑伽沙等世
界最後世界名曰蓮花佛號蓮花德如來應
正等覺明行圓滿善逝世間解無上丈夫調
御士天人師佛薄伽梵致問世尊無量少病
少惱起居輕利氣力調和安樂住不世事可
忍不衆生易度不持此千莖金色蓮花以寄
世尊而為佛事時釋迦牟尼佛受此蓮花還
散下方苑伽沙等諸佛世界佛神力故令此
蓮花徧諸佛土諸花臺中各有化佛結跏趺

坐為諸菩薩說大般若波羅蜜多相應之法
有情聞者必得無上正等菩提時蓮花勝及
諸眷屬見此事已歡喜踊躍歎未曾有各隨
善根供具多少供養恭敬尊重讚歎佛菩薩
已退坐一面如是最後世界已前所有下方
一一佛土各有如來現為大衆宣說妙法是
諸佛所亦各有一上首菩薩見此大光大地
變動及佛身相前詣佛所白言世尊何因何
緣而有此瑞時彼佛各各報言於此上方
有堪忍世界佛號釋迦牟尼將為菩薩說大
般若波羅蜜多彼佛神力故現斯瑞上首菩
薩聞已歡喜各各請往堪忍世界觀禮供養
佛及菩薩彼諸如來讚善聽往各以金色千
寶蓮花而告之言汝可持此至彼佛所具陳
我詞致問無量少病少惱起居輕利氣力調

和安樂住不世事可忍不衆生易度不持此蓮花以寄世尊而爲佛事汝至彼界應住正知觀彼佛土及諸菩薩勿懷輕慢而自毀傷所以者何彼諸菩薩威德難及悲願熏心以大因緣而生彼土一一上首受花奉勅各與無量無數菩薩童男童女辭佛持供發引而來所經佛土一一供養佛及菩薩無空過者到此佛所頂禮雙足繞百千匝奉花陳事佛受花已還散下方佛神力故徧諸佛土諸花臺中各有化佛爲諸菩薩說大般若波羅蜜多令諸聞者必獲無上正等菩提上首菩薩及諸眷屬見已歡喜歎未曾有各隨善根供具多少供養恭敬尊重讚歎佛菩薩已退坐一面爾時上方盡殞伽沙等世界最後世界名曰歡喜佛號喜德如來應正等覺明行圓

滿善逝世間解無上丈夫調御士天人師佛薄伽梵時現在彼安隱住持爲諸菩薩摩訶薩衆說大般若波羅蜜多彼有菩薩名曰喜授見此大光大地變動及佛身相心懷猶豫前詣佛所頂禮雙足白言世尊何因何緣而有此瑞時喜德佛告喜授菩薩摩訶薩言善男子從此下方盡殞伽沙等世界最後世界名曰堪忍佛號釋迦牟尼如來應正等覺明行圓滿善逝世間解無上丈夫調御士天人師佛薄伽梵今現在彼安隱住持將爲菩薩摩訶薩衆說大般若波羅蜜多彼佛神力故現斯瑞喜授聞已歡喜踊躍重白佛言世尊我今請往堪忍世界觀禮供養釋迦牟尼如來及諸菩薩摩訶薩衆得無礙解陀羅尼門三摩地門神通自在住最後身紹尊位者唯

願慈悲哀愍垂許時喜德佛告喜授菩薩言
善哉善哉今正是時隨汝意往即以千莖金
色蓮花其花千葉衆寶莊嚴授喜授菩薩而
誨之言汝持此花至釋迦牟尼佛所如我詞
曰喜德如來致問無量少病少惱起居輕利
氣力調和安樂住不世事可忍不衆生易度
不持此蓮花以寄世尊而爲佛事汝至彼界
應住正知觀彼佛土及諸大衆勿懷輕慢而
自毀傷所以者何彼諸菩薩威德難及悲願
熏心以大因緣而生彼土時喜授菩薩受花
奉勅與無量百千俱胝那度多出家在家菩
薩摩訶薩及無數百千童男童女頂禮佛足
右繞奉辭各持無量種種花香寶幢幡蓋衣
服寶飾及餘供具發引而來所經上方苑伽
沙等諸佛世界一一佛所供養恭敬尊重讚

歎無空過者至此佛所頂禮雙足繞百千市
却住一面喜授菩薩前白佛言世尊從此上
方盡苑伽沙等世界最後世界名曰歡喜佛
號喜德如來應正等覺明行圓滿善逝世間
解無上丈夫調御士天人師佛薄伽梵致問
世尊無量少病少惱起居輕利氣力調和安
樂住不世事可忍不衆生易度不持此千莖
金色蓮花以寄世尊而爲佛事時釋迦牟尼
佛受此蓮花還散上方苑伽沙等諸佛世界
佛神力故令此蓮花徧諸佛土諸花臺中各
有化佛結跏趺坐爲諸菩薩說大般若波羅
蜜多相應之法有情聞者必得無上正等菩
提是時喜授及諸眷屬見此事已歡喜踊躍
歎未曾有各隨善根供具多少供養恭敬尊
重讚歎佛菩薩已退坐一面如是最後世界

已前所有上方一一佛土各有如來現為大
衆宣說妙法是諸佛所亦各有一上首菩薩
見此大光大地變動及佛身相前詣佛所白
言世尊何因何緣而有此瑞時彼彼佛各各
報言於此下方有堪忍世界佛號釋迦牟尼
將為菩薩說大般若波羅蜜多彼佛神力故
現斯瑞上首菩薩聞已歡喜各各請往堪忍
世界觀禮供養佛及菩薩彼諸如來讚善聽
往各以金色千寶蓮花而告之言汝可持此
至彼佛所具陳我詞致問無量少病少惱起
居輕利氣力調和安樂住不世事可忍不衆
生易度不持此蓮花以寄世尊而為佛事汝
至彼界應住正知觀彼佛土及諸菩薩勿懷
輕慢而自毀傷所以者何彼諸菩薩威德難
及悲願熏心以大因緣而生彼土一一上首

受花奉勅各與無量無數菩薩童男童女辭
佛持供發引而來所經佛土一一供養佛及
菩薩無空過者到此佛所頂禮雙足繞百千
而奉花陳事佛受花已還散上方佛神力故
徧諸佛土諸花臺中各有化佛為諸菩薩說
大般若波羅蜜多令諸聞者必獲無上正等
菩提上首菩薩及諸眷屬見已歡喜歎未曾
有各隨善根供具多少供養恭敬尊重讚歎
佛菩薩已退坐一面爾時於此三千大千佛
之世界衆寶充滿種種妙花徧布其地寶幢
幡蓋處處行列花樹果樹香樹鬘樹寶樹衣
樹諸雜飾樹周徧莊嚴甚可愛樂如衆蓮花
世界普花如來淨土妙吉祥菩薩善住慧善
薩及餘無量大威神力菩薩摩訶薩本住其
中

大般若波羅蜜多經卷第二